



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

6. De actibus amoris Dei & incitame[n]tis

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

De actibus Timoris Dei, & incitamenti.

I. **E**Xpende quinam sint actus interni Timoris Dei, & quomodo exercendi, quorū hi præcipui: 1. Deo tanquam vniuersali, potentissimo, iustissimo & absolutissimo Domino per intimam reuerentiam profundissime se submittere, eius infinitam potentiam, iustitiam, Maiestatem humiliter agnoscendo, reuerenter suspiciendo, filialiter metuendo, 2. Instar mancipij, mercenarij, filij velle diuinae Maiestatis nutui in omnibus obsecundare, pœnarum temporalium, aut æternarum inflictionem, præmiorum gratiæ & gloriæ subtractionem, aut suspensionem, & quamuis amabilissimi Patris offensionem metuendo, 3. Velle & proponere ex motiuo huius Timoris maximè filialis, cautè summa cum reuerentia, in conspectu Dei omnia intuentis, tam iusti, potentis, amabilis ambulare, minimas etiam transgressiones & defectus sollicitè cauendo, & commissos, statim expiando, & per omnia ipi placere indefesso maioris perfectionis studio conan-

conando. Quàm *perfectè* hi affectus timoris maximè filialis possent exerceri exemplo B. V. & Sanctorum in hoc casto timore Dei excellentium? quàm *late* omnes & singuli, quoad omnia obiecta, quàm *pure* quoad intentionem solius offensæ Dei, ex amore & timore filiali cauendæ, quàm *intense* quoad intensiorem affectuum submissionis, reuerentiæ, & timoris tantæ Maiestati debiti: *constanter* nunc, semper, tota vita, inter qualuis prosperitates & aduersitates: *insatiabiliter* quoad desideria supra vires. His expensis eodem modo *insinuato excita*, per plura vel pauciora suspiria.

II. Quomodo actus externi Timoris, qui sunt prædictos internos affectus re ipsa exprimere, possint *perfectè* frequentari: videlicet Deum ubiq; præsentem reuerendo, *circumspectè* que coram ipso ambulando, eius offensam quamuis cauendo, & serio omnimodè perfectioni studendo. 1. Cum *attenta & pia* ruminatiõne prædictorum fundamentorum Timoris Dei. 2. Cum *pia* interiorum affectuum eiusdem Timoris instauratione. 3. Cum *debita* omnium mentis & corporis virium, in externis hisce

D d d

diuini

diuini Timoris actibus exercendis applicatione. Quam perfectè hos internos externosque casti Timoris Dei actus coniunxerit, & frequentarit B. Virgo, quæ tam profunde fundamenta sancti huius Timoris penetravit: tantoperè vel minimam diuinæ Maiestatis offensam exhorruit: tanto zelo eiusdem gloriæ promouendæ, & voluntatis adimplendæ flagrauit: Zelus exemplo B. V. externos hos Timoris Dei actus perfectè frequentandi.

III. Incitamenta, quorum 1. fit, *Quod Timor Dei sit initium vera conuersionis à statu peccati ad vitam gratiæ, & à statu tepiditatis ad feruens studium perfectionis. Qui timet Deum conuertetur ad eor suum. Et, Qui timet Deum faciet bona. Et: Qui timent Dominum, inquirent que placita sunt ei.* Vnde D. Augustinus in sententijs: *Ad omne opus bonum ducit amor & timor Dei, ad omne peccatum ducit amor & timor mundi.* 2. Quod magnam afferat migraturo ex hac vita fiducia.

Ecccl. 1.

Prou. 23.

Timenti Dominum benè erit in extremis, & in diebus consummationis illius benedicetur. In timore Domini esto tota vita, quia habebis spem in nouissimo, & prestatio tua non auferetur. 3. Quod & in hac & in altera vita parlat verū cordis gaudium.

Timor

*Timor Domini gloria & gloriatio, & lati- Eccl.1.
tia, & corona exultationis. Timor Domi-
ni delectabit cor, & dabit letitiam & gaudium,
& longitudinem dierum. Quisquis ergo feruenter ad Deum conuerti, fiducia-
liter mori, æternum cum Electis omnibus lætari desiderat, in casto timore Domini proficere quotidie studeat. Feruor proficiendi in casto Timore Dei.*

De Charitatis erga Deum præeminentia & proprietatibus. VII.

I. *EX*pendens quàm excellens diuinæ liberalitatis donum sit Charitas; quæ est: *Virtus diuinitus infusa inclinans nos ad Deum ut summum bonum per se & in seipso summè propter seipsum diligendum, quem fides nobis velut per speculum & in enigmate proponit cognoscendū, spes ut summum bonum nostrum desiderandum. Quam merito hæc prima inter Theologicas Virtutes, & fructus Spiritus ab Apostolo numeretur, passimq; tanquam Regina, mater, custos virtutum, radix meritorum, nota filiorum Dei, vestis nuptialis, arrha cælestis beatitudinis celebretur; ac proinde quam profunda animi submissione,*

2. Cor. 13.

Ddd 5 hoc